

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona na 14. sjednici, održanoj dana 11.06.2015. godine, d o n o s i

ZAKLJUČAK

I.

Prihvata se Mišljenje Ministarstva za obrazovanje, nauku, kulturu i sport, doneseno po Inicijativi poslanika jasmína Duvnjaka, broj: 01-38-11697-1/15., od 03.06.2015. godine, vezanoj za planiranje od naredne školske godine materijalnih pretpostavki za organizaciju dijela nastavnih aktivnosti u skladu sa programom rada, tačno određenog predmeta za učenike završnih razreda osnovne škole koje bi se realizirale posjetom i časom historije u Memorijalnom centru Srebrenica-Potočari i čini sastavni dio ovog zaključka.

II.

Zaključak se upućuje u daljnju skupštinsku proceduru.

III.

Zaključak stupa na snagu danom donošenja.

Broj: 02-_____/15.

Datum, 11.06.2015. godine

Z e n i c a

PREMIJER

Miralem Galijašević

DOSTAVLJENO:

1x Ministarstvu za obrazovanje, nauku, kulturu i sport,

1x Stručna služba Skupštine,

1x a/a.

U vezi sa aktom Stručne službe Skupštine Kantona, broj: 01-38-11697/15., od 22.05.2015. godine, vezane za podnesenu Inicijativu poslanika Jasmina Duvnjaka od 14.05.2015. godine, vezanu za planiranje od naredne školske godine materijalnih pretpostavki za organizaciju dijela nastavnih aktivnosti u skladu sa programom rada, tačno određenog predmeta za učenike završnih razreda osnovne škole koje bi se realizirale posjetom i časom historije u Memorijalnom centru Srebrenica-Potočari, resorno ministarstvo daje sljedeće:

MIŠLJENJE

Kao redovnu svoju aktivnost, ali i povodom više inicijativa vezanih za organizirano odavanje počasti žrtvama genocida u Srebrenici kroz organizirane posjete i realizaciju prigodnih nastavnih sadržaja u Memorijalnom centru Potočari, ovaj organ je:

Uputio akt preporuke svim školama da od školske 2009/2010. da u svoje godišnje planove i programe uvrste posjetu Memorijalnom centru u Potočarima, odnosno Srebrenici;

Škole u našem kantonu primjenjuju ovu preporuku na način da organiziraju jednodnevnu posjetu učenika Memorijalnom centru u Potočarima gdje su programom posjete predviđena i više od dva sata historije, što uključuje predavanje o genocidu i svemu onome što se dešavalo na prostoru Srebrenice 1992-1995, obilazak memorijalnog kompleksa (mezarja, muzejskih eksponata...) i gledanje prigodnog dokumentarnog filma;

Napominjemo da je okvirnim nastavnim planom i programom historije/istorije/povijesti za 9. razred devetogodišnje osnovne škole usvojenog od strane Koordinacije ministara obrazovanja u Federaciji Bosne i Hercegovine, a koji se neizmijenjen u potpunosti primjenjuje na području Zeničko-dobojskog kantona, predviđeno izučavanje historije Bosne i Hercegovine do kraja 20. stoljeća što uključuje i dešavanja u Srebrenici;

Što se tiče osiguranja materijalnih sredstava u Budžetu Zeničko-dobojskog kantona za realizaciju navedenih aktivnosti stajališta smo da nema prepreka da i druga ministarstva, odnosno organi uprave planiraju potrebna sredstva za ove namjene, kao i druge nevladine organizacije ili udruženja, koje putem svojih posebnih i namjenskih projekata, mogu po ovim značajnim pitanjima sarađivati sa našim školama. S tim u vezi podsjećamo da je primjerice Kantonalni savez porodica šehida proteklih školskih godina, osiguravao jedan autobus za 50 učenika za svaku školu na području Kantona, ali u protekle dvije školske godine ovaj projekat nije bio realizovan upravo zbog nedostatka finansijskih sredstava, zbog čega smo mišljenja da ovakve i slične inicijative ili prijedloge treba dosljedno podržati, odnosno realizovati u aktuelnoj obrazovnoj praksi.